

BASES DA CONVOCATORIA DE VINCULACIÓN DE PROFESORADO DA FACULTADE DE VETERINARIA DE LUGO AO HOSPITAL VETERINARIO UNIVERSITARIO ROF CODINA

Por resolución da Dirección Xerencia da Fundación Pública Galega Rof Codina (en diante FPGRC), anúnciase a convocatoria de:

- 5 prazas de profesores/as vinculados ao Hospital Veterinario Universitario Rof Codina

1. NORMAS XERAIS

Este concurso réxese polo disposto na Lei 16/2010, do 17 de novembro, de organización e funcionamento da Administración Xeral e do sector público autonómico de Galicia e Lei 12/2006, da 1 de decembro, de fundacións de interese galego, de acordo con:

- Convenio polo que se formaliza a encomenda de xestión entre a Fundación Pública Galega Rof Codina e a Universidade De Santiago de Compostela para a realización de actividades formativo asistenciais.
- Carta Fundacional e Estatutos da FPGRC.
- Delegación de facultades do Padroado da FPGRC ao director xerente desta.

2.-OBXECTO

Anunciar a convocatoria dun proceso para cubrir 5 prazas de profesores/as vinculados ao Hospital Veterinario Universitario Rof Codina. As areas asistenciais a cubrir son as seguintes:

- Clínica Ruminantes (1 praza)
- Animais exóticos (1 praza)
- Oftalmoloxía e anestesia (1 praza)
- Reprodución (1 praza)
- Anestesia e cirurxía (1 praza)

O proceso de selección será mediante concurso de méritos.

3.-REQUISITOS DOS/AS CANDIDATOS/AS

Para seren admitidos os/as aspirantes deben de cumprir os requisitos específicos da convocatoria:

- a) A persoa solicitante deberá ser persoal docente e investigador con dedicación a tempo completo da Facultade de Veterinaria de Lugo.

4.- INSTANCIA

O prazo de solicitude de bases e presentación de instancias será de 15 días naturais contados a partir do día seguinte da súa publicación na páxina web da FPGRC (www.rofcodina.org). A entrega realizarase na web da FPGRC, segundo o modelo de instancia dispoñible na web.

Os/as aspirantes deberán acompañar xunto ao modelo de instancia, copia do seu documento nacional de identidade e o seu curriculum vitae, debidamente xustificado mediante copias dos títulos ou calquera outros documentos acreditativos que consideren oportunos, quedando obrigado a presentar os orixinais que lles fosen requiridos. A documentación que cada aspirante acompañe á súa solicitude deberá estar agrupada e debidamente identificada. Os méritos alegados e non probados do xeito sinalado no presente punto non serán tidos en conta.

5.- ADMISIÓN DE ASPIRANTES

Ao día seguinte da finalización do prazo de presentación de solicitudes publicarase un listado provisional de admitidos/as ao proceso e outro motivado de excluídos na páxina web da FPGRC. Establécese un prazo de 3 días hábiles a partir da publicación do devandito listado para que os aspirantes poidan emendar, de ser posible, o defecto que motivara a súa exclusión. Ao día seguinte publicarase a lista definitiva de admitidos ao proceso

6.- COMISIÓN AVALIADORA

A composición da Comisión será a seguinte:

- Presidente: Antonio González Cantalapiedra, director veterinario do Hospital Veterinario Universitario Rof Codina (HVU-RC) e profesor titular de Universidade.
- Vogal 1º: Gonzalo Fernández Rodríguez, decano da Facultade de Veterinaria de Lugo.
- Vogal 2º: María Luisa Suárez Rey. xefa de Servizo de Medicina Interna do Hospital Veterinario Universitario Rof Codina (HVU-RC) e profesora titular de Universidade.
- Vogal 3º: Andrés Barreiro Lois. xefe de Servizo de Diagnostico pola Imaxe do Hospital Veterinario Universitario Rof Codina (HVU-RC) e profesor titular de Universidade.
- Secretario: Antonio Javier Ferreira Fernández, xerente da FPGRC.

Para que a Comisión se constituía validamente, será necesaria a asistencia de todos os membros e os acordos tomaranse por maioría.

7.- PROCEDEMENTO DE SELECCIÓN:

O procedemento de selección realizarase a través dunha valoración de méritos segundo o seguinte baremo:

CURRÍCULO (Máximo 30 puntos):

1. Docencia en materia do Grao de Veterinaria relacionada co perfil da praza de vinculación. (2 punto/ano)
2. Publicacións relacionadas coa praza de vinculado a que se opta.
 - a. 2 puntos por publicación indexada
 - b. 1 punto por publicación non indexada
3. Proxectos de investigación relacionados coa praza de vinculado á que se opta.
 - a. 3 puntos por proxecto internacional
 - b. 2 puntos por proxecto nacional
 - c. 1 punto por proxecto autonómico
4. Comunicacións a congreso relacionadas coa praza de vinculado a que se opta.
 - a. 0,5 por comunicación a congreso internacional.
 - b. 0,25 por comunicación a congreso internacional.
5. Capítulos de libro.
 - a. 2 puntos por redacción de capítulo de libro internacional
 - b. 1 punto por redacción capítulo de libro nacional
6. Cursos impartidos
 - a. 0,025 puntos por hora impartida en curso internacional.
 - b. 0,01 puntos por hora impartida en curso nacional.

EXPERIENCIA ASISTENCIAL (Máximo 70 puntos).

1. 5 puntos por ano traballado en praza asistencial do perfil da praza.
2. 2 puntos por ano realizando labor asistencial do perfil da praza (factor de corrección en función da dedicación).

8. – SELECCIONADOS/AS

A Comisión Avaliadora propondrá á Comisión Técnica da FPGRC a vinculación dos/as candidato/a que superen todas as avaliacións contempladas no apartado anterior. As resolucións do Tribunal de Selección serán apelables ante este, dispoñendo para iso dun prazo de tres días hábiles.

9. – VINCULACIÓN

Segundo o indicado no Convenio polo que se formaliza a encomenda de xestión entre a Fundación Pública Galega Rof Codina e a Universidade De Santiago de Compostela para a realización de actividades formativo asistenciais, unha vez que a Comisión Técnica valide a proposta da Comisión Avaliadora a FPGRC procederá a subscribir co/coa profesor/a da USC o acordo de vinculación ao HVU-RC.

A vinculación terá unha duración de un ano prorrogable, previo informe favorable da Dirección Veterinaria e da Xerencia do HVU-RC.

A subscrición do presente convenio no supón relación laboral contractual ou de calquera outro tipo entre o persoal da USC que desenvolva as actividades formativo-asistenciais no HVU-RC e a FPG-RC, de maneira que non se lle poderá esixir responsabilidade algunha, nin directa nin subsidiariamente, polos actos ou feitos acaecidos no desenvolvemento do mesmo.

De conformidade co artigo 55 da Lei Orgánica 6/2001, de 21 de decembro, de Universidades, todas as retribucións do profesorado serán aboadas pola USC nunha única nómina cos conceptos que corresponda, non podendo recibir ningunha outra retribución directa por parte da FPG-RC.

10. – RÉXIME LEGAL

A participación na presente convocatoria supón a aceptación das bases desta e o Convenio polo que se formaliza a encomenda de xestión entre a Fundación Pública Galega Rof Codina e a Universidade De Santiago de Compostela para a realización de actividades formativo asistenciais. Para todo o non previsto nestas estarase ao disposto na Lei 16/2010, do 17 de novembro, de organización e funcionamento da Administración Xeral e do sector público autonómico de Galicia e a Lei 12/2006, do 1 de Decembro de fundacións de interese galego, e demais disposicións vixentes en materia de contratación que sexan aplicables ás Fundacións.

En Lugo, a 2 de febreiro de 2023.

Asdo.: Antonio Javier Ferreira Fernández
Xerente da Fundación Pública Galega Rof Codina